

## **STATUTI DHE AKT THEMELIMI I SHOQËRISË TREGTARE “ROZAFYA A” SH.P.K SHKODER**

### **Neni 1**

Në bazë ligjit nr 9901 date 14.04.2008 “ Për tregtarët dhe shoqëritë tregtare” i ndryshuar si dhe të ligjit nr 9723 datë 03.05.2007 “Për Qendrën Kombëtare të Rregjistrimit ” i ndryshuar me vullnetin e tyr të lire ortaku i vetëm i shoqërisë ka rënë dakord të hartoj këtë statut të shoqërisë me përgjegjësi të kufizuar (sh.p.k ) “ROZAFYA A” Sh.p.k SHKODER, e cila do të veprojë sipas legjislacionit në fuqi, e themeluar nga ortaku i vetëm i saj si vijon:

1. **Individu z. Adriano Uldedaj**, me shtetësi shqiptare dhe kombësi shqiptare lindur më date 18 Gusht 1990, në Lezhë Shqipëri, i identifikuar me pasaportë numër personal J00818078G, madhor dhe me aftësi të plotë juridike për të vepruar ligjërisht.

Deklaron se sot me date 13/02/2018, ka nënshkruar këtë statut dhe ka rënë dakord për krijimin e një shoqërie me përgjegjësi të kufizuar në bazë të këtij statuti duke respektuar kërkuesat e legjislacionit shqiptar për shoqëritë tregtare.

### **Neni 2**

#### **EMERTIMI DHE FORMA E SHOQERISE**

Emërtimi i shoqërisë tregtare të themeluar nga ortakët e saj do të jetë **“ROZAFYA A” Sh.p.k SHKODER**. Forma e shoqërisë tregtare të themeluar do të jetë shoqëri me përgjegjësi të kufizuar.

### **Neni 3**

#### **OBJEKTI I VEPRIMTARISË SË SHOQËRISË**

##### **Objekti i veprimtarisë ekonomike të shoqërisë do të jetë si vijon :**

- Tregti-Hoteleri-Bar Restorant, Market, Ndertim, Qendër Biznesi, Import-Eksport, me shumice e pakicë te artikujve te ndryshem industrial, ushqimore, konfeksione, elektro shtepiake etj.
- Hapje e agjensive turistike për shërbime të ndryshme turistike udhetimi, si transport me autovetura, furgona, minibus, autobus, kamioneve, jahte, mjeteve lundruese etj sherbime turistike hotelerie, organizimi i guidave turistike brenda dhe jashtë territorit te Republikës se Shqipërise.
- Marrja dhe dhënia me qera e pasurive të paluajtshme, apartamenteve, zyra, truall, sheshe parkimi, për reklamimin dhe parkimin e autoveturave, furgonave, minibus, autobus, kamioneve, jahte, mjeteve lundruese etj si dhe te gjitha llojet e tjera te mjeteve motorike të cdo lloj tipi të automjeteve të transportit brenda dhe jashtë territorit te Republikës së Shqipërisë.

### **Neni 4**

#### **SELIA E SHOQËRISË**

Shoqeria tregtare **“ROZAFYA A” Sh.p.k SHKODER** do ta kete seline saj ne SHKODER, ne adresen : L.VASIL SHANTO, Rr . TEUTA, godina 9-kateshe ,nr 4/589 Ajo mund te krijojë ose te mbolle ne Shqiperi ose jashtë saj, filiale, perfaqesi apo seli te tjera.

### **Neni 5**

#### **KOHEZGJATJA E SHOQERISE**

Kohëzgjatja e veprimtarisë së shoqërisë është 30 vjet. Si ditë e fillimit të aktivitetit të saj do të merret data e rregjistrimit prane Qendres Kombëtare të Rregjistrimit. Ortaku i vetëm i shoqërisë ka të drejtë ta zgjasë këtë afat.

### **Neni 6**

## KAPITALI I THEMELTAR I SHOQERISE

Kapitali themeltar i neshkruar i shoqërisë është 1000 (nje mijë) leke, cili përbëhet nga kontributi vetëm në para. Ky kapital i cili përbëhet nga 1 kuote (një) pjese (kuote) dhe është nenshkruar nga ortaku i vetëm i saj themelues dhe vlera nominale e një pjese (kuote) është 1000 (një mijë) leke. Pjesëmarria e ortakëve në kapitalin themeltar të shoqërisë do të jetë si vijon :

1. **Ortaku , individi Z. Adriano Uldedaj** do të zoteroj 100 % te kapitalit të shoqërisë e barabartë me 1 kuotë me vlerë noninale te një kuote 1000 (një mijë) lekë dhe kontribut ne kapital 1000 (një mijë)lekë .
2. Administratori i shoqërisë tregtare “ROZAF A” Sh.p.k, Shkoder do të jete Zj Majlinda Harapi, per nje afat 5 vjecar e cila mban me pasaport me personal H15430190T.

## Neni 7

### KONTRIBUTE

Shoqëria me përgjegjësi të kufizuar është një shoqëri tregtare, e themeluar nga persona fizikë ose juridikë, të cilët nuk përgjigjen për detyrimet e shoqërisë tregtare dhe mbulojnë personalisht humjet e shoqërisë deri në pjesën e pashlyer të kontributeve të nënskruara. Kontributet e ortakëve përbëjnë kapitalin e regjistruar të shoqërisë me përgjegjësi të kufizuar.

Kapitali i shoqërisë me përgjegjësi të kufizuar ndahet në një numër kuotash, në raport me kontributin dhënë nga çdo ortak në shoqëri. Çdo ortak zoteron një kuotë të vetme në shoqëri. Bashkëzotëruesit e një kuote, sipas nenit 72, të këtij ligji, gjëzojnë cilësinë si një ortak i vetëm.

Shoqëritë me përgjegjësi të kufizuara nuk mund të ofrojnë kuotat e tyre si mjete investimi për publikun e gjerë. Me përashtim të rasteve kur ky ligj përcakton ndryshe, marrëdhëniet ndërmjet ortakëve mund të përcaktohen në statutin e shoqërisë.Kontributi i ortakëve mund të jetë në para ose në natyrë (pasuri të luajtshme/të paluajtshme apo të drejta). Statuti përcakton mënyrat e shlyerjes së kontributeve.

Ortakët e një shoqërie me përgjegjësi të kufizuar i vlerësojnë kontributet në natyrë në marrëveshje të ndërsjella me njëri-tjetrin dhe i shprehin vlerat e tyre në para. Nëse nuk mund të arrihet një marrëveshje, secili prej ortakëve mund t'i drejtohet gjykatës përkatëse, për të ngarkuar një ekspert vlerësues, me një vendim me efekt detyrues. Raporti i ortakëve ose i ekspertit për vlerësimin e kontributeve i dorëzohet Qendrës Kombëtare të Regjistrimit, së bashku me të dhënët e tjera të kërkua të regjistrim.

## Neni 8

### KUOTAT DHE KALIMI I KUOTAVE

Kuota e shoqërisë me përgjegjësi të kufizuar mund të zoterohet nga një ose më shumë persona. Në rastin kur një kuotë e kapitalit të shoqërisë zoterohet nga më shumë se një person, në marrëdhënie me shoqerinë këta persona trajtohen si një ortak dhe të drejtat e tyre ushtrohen, nëpërmjet një përfaqësuesi të përbashkët.

Këta persona përgjigjen personalisht dhe në mënyrë solidare për detyrimet që lindin nga zotërimi i kuotës.

Personat që zoterojnë një kuotë të kapitalit të shoqërisë me përgjegjësi të kufizuar, merren vesh ndërmjet tyre për ndarjen e të drejtave e të detyrimeve, që rrjedhin nga kjo kuotë. Këto të drejta e detyrime mund të ndahanë në mënyrë të barabartë ose jo.

Veprimet e shoqërisë ndaj kuotës së zotëruar nga më shumë se një person krijojnë pasoja ndaj të gjithë zotëruesve të saj edhe nëse veprimi i shoqërisë i drejtohet vetëm njërit prej zotëruesve. Shoqëria tregtare mund të lëshojë një certifikatë për të vërtetuar zotërimin e kuotës së kapitalit. Kjo certifikatë lëshohet në emër të personit apo të personave, që zoterojnë kuotën dhe nuk përbën letër me vlerë.Nëse personat që zoterojnë një kuotë nuk arrijnë një marrëveshje, sipas pikës 3 të këtij neni, atëherë zbatohen dispozitat e Kodit Civil për bashkëpronësinë.

## Neni 9

### MËNYRA E FITIMIT DHE E KALIMIT TË KUOTAVE

Kuotat e kapitalit të një shoqërie me përgjegjësi të kufizuar e të drejtat që rrjedhin prej tyre mund të fitohen apo kalohen nëpërmjet:

- a) kontributit në kapitalin e shoqërisë;
- b) shitblerjes;
- c) trashëgimisë;
- ç) dhurimit;
- d) çdo mënyre tjetër të parashikuar me ligj.

Në rastet e kalimit të kuotave me kontratë, kushtet dhe momenti i kalimit të titullit të pronësisë mbi kuotën, si dhe kushtet e tjera të kalimit, përfshirë momentin e pagesës së çmimit, rregullohen nga kontrata.

Kontrata për kalimin e kuotës hartohet në formë shkresore dhe noterizimi nuk përbën kusht për vlefshmérinë apo regjistrimin e kontratës. Me përjashtim të rasteve kur parashikohet shprehimi i ndryshe nga ligji apo kur palët bien dakord në kontratë, vlefshmëria e kalimit të titullit të pronësisë mbi kuotat nuk do të kushtëzohet nga kryerja e formaliteteve të ndryshme me efekt deklarativ, përfshi këtu formalitetet e regjistrimit ose të publikimit të kontratës apo të kalimit të titullit.

Ne rast kalimi të kuotave për persona të tretë që janë jashtë shoqërisë ortaku që shet kuotat duhet të njoftojo me shkrim shoqërinë dhe duhet të ofrojë të drejtën e parablerjes në favor të shoqërisë apo ortakëve të tjerë të shoqërisë.

Në rast se shoqëria nuk ka bërë të ditur vendimin e saj brenda tre muajve nga data e njoftimit të fundit sipas paragrafit të mësipërm miratimi i transferimit konsiderohet i dhënë. Në rast se shoqëria refuzon të japë miratimin e transferimit ortakët brenda tre muajve nga data e këtij refuzimi duhet të blejne apo të lejojne blerjen e kuotave të kapitalit themeltar me vlerën kontabile të kapitaleve të veta që do të rezultojë sipas bilancit kontabёl në datën e shitjes së kuotave.

#### **Neni 10**

#### **PASOJAT E KALIMIT TË KUOTAVE**

Personi që kalon kuotën dhe ai që e fiton atë përgjigjen në mënyrë solidare ndaj shoqërisë për detyrimet që rrjedhin nga zotërimi i kuotës, nga çasti i kalimit të kuotave, deri në çastin e regjistrimit të kalimit, sipas pikës 2 të nenit 74 te ligjit nr 9901 date 14.04.2008 “Për tregtarët dhe shoqëritë tregtare”.

Shoqëria regjistron kalimin e kuotës, sipas nenit 43 të ligjit nr. 9723, datë 3.5.2007 “Për Qendrën Kombëtare të Regjistrimit”. Regjistrimi i kalimit të kuotave ka efekt deklarativ.

#### **Neni 11**

#### **PJESËTIMI I KUOTAVE DHE TRANSFERIMI I TYRE**

Me përjashtim të rasteve kur kjo është e ndaluar nga statuti, kuotat mund të pjesëtohen për shkak të kalimit të tyre. Dispozitat e nenit 73 të këtij ligji për kalimin e kuotave zbatohen edhe për kalimin e pjesëve të kuotave.

#### **Neni 12**

#### **SHPËRNDARJA E FITIMEVE**

Ortakët e shoqërisë janë dakord që shperndarja e fitimeve do të kryhet sipas raportit të përqindjes së zotërimit të kuotave të secilit ortak në kapitalin themeltar.

Ortakët e shoqërisë që aprovojnë shpërndarjen e fitimeve (dividendit) mund të ndryshojnë shpërndarjen e fitimeve nga sa është parashikur në statut vetëm nëse miratohet me unanimitet të plotë të ortakëve.

#### **Neni 13**

#### **KUFIZIMET E SHPËRNDARJEVE ,CERTIFIKATA E AFTËSISË PAGUESE**

Shoqëria mund t'u shpërndajë fitime ortakëve, vetëm nëse pas pagimit të dividendit :

- a) aktivet e shoqërisë mbulojnë tërësisht detyrimet e saj;
- b) shoqëria ka aktive likuide të mjaftueshme për të shlyer detyrimet që bëhen të kërkueshme brenda 12 muajve në vazhdim.

Administratorët lëshojnë një certifikatë të aftësisë paguese, e cila konfirmon shprehimi i shpërndarjeve propozuar e dividentëve përmbrush kërkësat e pikës 1 të këtij nenit, ndërsa kur gjendja e shoqërisë tregon se shpërndarja e propozuar e dividendëve nuk i përmbrush këto kritere, administratorët nuk mund ta lëshojnë këtë certifikatë.



Kërkесат е pikave 1 dhe 2, tē këtij nenj, zbatohen gjithashtu nē rastet kur, pavarësisht nga dhënia e miratimeve të nevojshme, sipas nenit 13, tē këtij ligji, shoqëria do tē kryejë një pagesë nē favor tē një prej ortakëve të saj, nē bazë tē një marrëveshjeje të lidhur mes shoqërisë dhe ortakut, e cila përmban kushte më pak tē favorshme pér shoqërinë, nē krahasim me kushtet normale tē tregut  
Administratorët përgjigjen ndaj shoqërisë pér vërtetësinë e certifikatës së aftësisë paguese që duhet tē lëshohet sipas këtij nenj.

#### Neni 14

#### **PËRGJEGJËSITË PERSONALE PËR SHPËRNDARJET E NDALUARA**

Administratorët, tē cilët nga pakujdesia lëshojnë një certifikatë tē pasaktë tē aftësisë paguese, sipas pikës 2 tē nenit 77 tē ligjit nr 9901 date 14.04.2008 " Per tregtaret dhe shoqerite tregtare" përgjigjen personalisht përparrë shoqërisë pér kthimin e dividendëve tē shpërndarë.

Ortakët, që kanë marrë nga shoqëria dividendë, përgjigjen personalisht ndaj shoqërisë pér kthimin e dividendëve, që u janë shpërndarë kur nuk është lëshuar certifikata e aftësisë paguese, ose kur, pavarësisht lëshimit të certifikatës, këta ortakë kanë pasur dijeni pér gjendjen e paaftësisë paguese tē shoqërisë, sipas pikës 1 tē nenit 77 te ligjit nr 9901 date 14.04.2008 " Pér tregtarët dhe shoqëritë tregtare" ose nē bazë tē rr Ethanave tē qarta nuk mund tē mos kishin pasur dijeni pér këtë gjendje.

#### Neni 15

#### **RIKTHIMI I SHPËRNDARJEVE TË NDALUARA**

Paditë e shoqërisë, siç parashikohet nē nenin 78 tē ligjit nr 9901 date 14.04.2008 " Per tregtaret dhe shoqerite tregtare", i ndryshuar mund tē ngrihen edhe sipas pikës 3 tē nenit 10 tē ketij ligji.

Parashkrimi i padive, sipas pikës 1 tē këtij nenj, nis nē datën kur është kryer shpërndarja e ndaluar.

#### Neni 16

#### **ANULIMI I KUOTAVE NGA SHOQËRIA**

Kuota mund tē anulohet nē çdo rast me miratimin e ortakut përkatës, me përjashtim tē rasteve kur parashikohet ndryshe nga statuti. Tē drejtat e detyrimet, që i rrjedhin ortakut nga zotërimi i kuotës, shuhën me anulimin e saj.

#### **ORGANET E SHOQËRISË**

#### Neni 17

#### **ASAMBLEJA E PËRGJITHSHME**

##### **Të drejtat dhe detyrimet**

1. Asambleja e përgjithshme është përgjegjëse pér marrjen e vendimeve pér shoqërinë pér çështjet e mëposhtme:
  - a) përcaktimin e politikave tregtare tē shoqërisë;
  - b) ndryshimet e statutit;
  - c) emërimin e shkarkimin e administratorëve;
  - d) emërimin e shkarkimin i likuiduesve dhe tē ekspertëve kontabël tē autorizuar;
  - e) përcaktimin e shpërblimeve pér personat e përmendor nē shkronjat "c" dhe "ç" tē kësaj pike;
  - f) mbikëqyrjen e zbatimit tē politikave tregtare nga administratorët, përfshirë përgatitjen e pasqyrave financiare vjetore dhe tē raporteve tē ecurisë se veprimtarisë;
  - g) përfaqësimin e shoqërisë nē gjykatë dhe nē procedimet e tjera ndaj administratorëve;
  - h) miratimin e rregullave procedurale tē mbledhjeve tē asamblesë;
  - i) çështje tē tjera tē parashikuara nga ligji apo statuti.

2. Asambleja e përgjithshme merr vendime për çeshtjet e përcaktuara në shkronjat “e” dhe “ë” të pikës 1 të këtij neni, pas marrjes dhe shqyrtimit të dokumenteve përkatës.

### Neni 18

#### MBLEDHJA E ASAMBLESË SË PËRGJITHSHME

1. Asambleja e përgjithshme mblidhet në rastet e përcaktuara nga ky ligj, nga ligje të tjera ose nga dispozitat e statutit dhe sa herë që mbledhja është e nevojshme për të mbrojtur interesat e shoqërisë. Mbledhja e zakonshme e asamblesë së përgjithshme thirret të paktën një herë në vit.
2. Asambleja e përgjithshme thirret nga administratorët apo ortakët e përcaktuar sipas nenit 84 të ligjit nr 9901 date 14.04.2008 “ Per tregtaret dhe shoqerite tregtare”.
3. Asambleja e përgjithshme thirret nëse, sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
4. Asambleja e përgjithshme thirret kur shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 për qind të aseteve të shoqërisë, që rezulton në pasqyrat e fundit financiare të certifikuara.
5. Asambleja e përgjithshme thirret kur shoqëria, brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të aseteve të shoqërisë, që rezulton në pasqyrat e fundit financiare të certifikuara.
6. Në rastet e parashikuara në pikat 3 e 5 të këtij neni, asamblesë së përgjithshme i paraqitet një raport nga një ekspert kontabël i autorizuar, i pavarur.
7. Dispozitat e pikës 6 të këtij neni nuk zbatohen nëse blerjet, sipas pikave 4 e 5 të këtij neni, kryhen në bursë ose janë pjesë e veprimeve të përditshme të shoqërisë dhe bëhen në kushte normale tregu. Gjithashtu, këto dispozita nuk zbatohen në rastin kur shoqëria zotërohet nga një ortak i vetëm.
8. Në rastet e parashikuara në pikat 3 deri në 5 të këtij neni, asambleja e përgjithshme mund të miratojë një rezolutë këshilluese, duke miratuar apo bërë vërejtje për veprimtarinë e administratorëve.

### Neni 19

#### MËNYRA E THIRRJES

1. Asambleja e përgjithshme thirret nëpërmjet një njoftimi me shkresë ose, nëse parashikohet nga statuti me njoftim nëpërmjet postës elektronike. Njoftimi me shkresë apo me mesazh elektronik duhet të përbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpara datës së parashikuar për mbledhjen e asamblesë.
2. Kur asambleja e përgjithshme nuk është thirrur sipas pikës 1 të këtij neni, ajo mund të marrë vendime të vlefshme vetëm nëse të gjithë ortakët janë dakord, për të marrë vendime, pavarësisht parregullsisë.

### Neni 20

#### KËRKESAT NGA ORTAKËT E PAKICËS

1. Ortakët, të cilët përfaqësojnë të paktën 5 për qind të totalit të votave në asamblenë e përgjithshme të shoqërisë, apo një pjesë më të vogël të parashikuar në statut, mund t'i drejtojnë administratorëve një kërkesa me shkrim, përfshirë postën elektronike, për të thirrur asamblenë e përgjithshme dhe/ose përfshirjen e çeshtjeve të posaçme në rendin e ditës. Kërkesa duhet të përbajë arsyet, objektivat dhe çeshtjet, për të cilat asambleja duhet të marrë një vendim. Nëse kërkesa refuzohet, këta ortakë kanë të drejtë ta thërrasin asamblenë dhe të caktojnë çeshtjet e rendit të ditës, në përputhje me pikën 1 të nenit 83 të ligjit nr 9901 date 14.04.2008 “ Per tregtaret dhe shoqerite tregtare”
2. Nëse, në kundërshtim me pikën 1 të këtij neni, asambleja e përgjithshme nuk thirret, ose çeshtja e kërkuar prej këtyre nuk futet në rendin e ditës, secili prej ortakëve, që kanë bërë kërkësën, ka të drejtë:
  - a) të ngrejë padi në gjykatë, për të deklaruar shkeljen e detyrimit të besnikërisë, nëse administratorët nuk përbushin kërkesat e ortakëve brenda 15 ditëve;
  - b) t'i kërkojë shoqërisë blerjen e kuotave, të zotëruara prej tyre.

3. Në rastet kur rendi i ditës ndryshohet, sipas parashikimeve të pikave 1 e 2 të këtij nenit dhe thirrja i është njoftuar ortakëve, administratorët njoftojnë përsëri rendin e ditës, të ndryshuar, në përputhje me parashikimet e pikës 1 të nenit 83 të këtij ligji.

4. Përfaqësuesi i autorizuar është i detyruar të deklarojë çdo fakt apo rrëthanë, të tillë që, sipas gjykimit të ortakut të përfaqësuar, rrrezikon të ndikojë në vendimmarrjen e përfaqësuesit për interesa të tjerë të ndryshëm nga ata të ortakut të përfaqësuar.

#### Neni 21

#### PËRFAQËSIMI NË ASAMBLE

1. Ortaku mund të përfaqësohen në asamblenë e përgjithshme, në bazë të një autorizimi nga një ortak tjetër apo nga një person i tretë.

2. Administratorët e shoqërisë nuk mund të veprojnë si përfaqësues të ortakëve në asamblenë e përgjithshme.

3. Autorizimi jepet në formë shkresore vetëm për një mbledhje të asamblesë së përgjithshme dhe është i vlefshëm edhe për mbledhjet vijuese me të njëtin rend dite

#### Neni 22

#### KUORUMI

1. Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30 për qind të kuotave. Në rastin kur asambleja e përgjithshme duhet të vendosë për çështje, të cilat kërkojnë shumicë të kualifikuar, sipas nenit 87 të ligjit nr 9901 date 14.04.2008 “Per tregtaret dhe shoqerite tregtare”, ajo mund të marrë vendime të vlefshme vetëm nëse ortakët që zotërojnë më shumë se gjysmën e numrit total të votave janë të pranishëm personalisht, votojnë me shkresë, apo mjete elektronike, sipas parashikimeve të pikës 3 të nenit 88 të ligjit nr 9901 date 14.04.2008 “Per tregtaret dhe shoqerite tregtare”.

2. Nëse asambleja e përgjithshme nuk mund të mblidhet për shkak të mungesës së kuorumin të përmendorur në pikën 1 të këtij nenit, asambleja mblidhet përsëri jo më vonë se 30 ditë, me të njëtin rend dite.

#### Neni 23

#### MARRJA E VENDIMEVE

1. Me përjashtim të rasteve kur statuti parashikon një shumicë më të lartë, asambleja e përgjithshme vodos me tri të katërtat e votave të ortakëve pjesëmarrës, siç përcaktohet në pikën 1 të nenit 86 të ligjit nr 9901 date 14.04.2008 “Per tregtaret dhe shoqerite tregtare”, për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë.

2. Me përjashtim të rasteve kur parashikohet ndryshe në këtë ligj ose në statut, për çështjet e tjera të renditura në nenin 81 të ligjit nr 9901 date 14.04.2008 “Per tregtaret dhe shoqerite tregtare” asambleja e përgjithshme vodos me shumicën e votave të ortakëve pjesëmarrës.

3. Me përjashtim të rasteve kur parashikohet ndryshe në këtë ligj, vlefshmëria e vendimeve, që përcaktojnë detyrime shtesë mbi ortakët, apo vendimet që kufizojnë të drejtat e tyre, të parashikuara në këtë ligj ose në statut, kushtëzohet nga miratimi i ortakut përkatës.

#### Neni 24

#### E DREJTA E VOTËS

1. Me përjashtim të rasteve kur parashikohet ndryshe në statut, çdo ortak ka të drejta vote në përpjesëtim me vlerën nominale të kuotës së tij. Bashkëzotërueshit e një kuote ushtrojnë të drejtat e votës bashkërisht, sipas nenit 72 të këtij ligji.”

2. Statuti mund të parashikojë për ortakët, që nuk janë të pranishëm, mundësinë e pjesëmarrjes në mbledhjen e asamblesë së përgjithshme me mjete të ndryshme komunikimi, përfshirë mjetet elektronike, me kusht që të garantohet identifikimi i ortakëve.

3. Mjetet elektronike përfshijnë, por pa u kufizuar në to:

a) transmetimin e mbledhjes së asamblesë së përgjithshme në kohë reale;



b) komunikimin e ndërsjellë në kohë reale, i cili u mundëson ortakëve të shprehen për mbledhjen e asamblesë së përgjithshme nga një vendndodhje tjeter;

c) mekanizma, që mundësojnë procesin e votimit, përpara apo gjatë mbajtjes së mbledhjes së asamblesë se përgjithshme, pa qenë nevoja të caktohet një përfaqësues i autorizuar, për të marrë pjesë fizikisht në mbledhje.

4. Përdorimi i mjeteve elektronike, për t'u mundësuar ortakëve të marrin pjesë në mbledhjen e asamblesë së përgjithshme, bëhet me kushtin që të merren masat teknike të nevojshme për të garantuar identifikimin e ortakëve dhe sigurinë e komunikimeve elektronike, deri në atë masë që ky përdorim të jetë proporcional me arritjen e këtyre qëllimeve.

5. Ortakët kanë të drejtën, që u njihet nga ky ligj apo statuti, për të marrë unanimisht çdo vendim, me kusht që kjo marrëveshje të bëhet me shkrim.

## Neni 25

### PËRJASHTIMI NGA E DREJTA E VOTËS

1. Ortaku nuk mund të ushtrojë të drejtën e votës nëse asambleja e përgjithshme merr vendim për:

- a) vlerësimin e veprimtarisë së tij;
- b) shuarjen e ndonjë detyrimi në ngarkim të tij;
- c) ngritjen e një padie ndaj tij nga shoqëria;
- ç) dhënien ose jo të përfitimeve të reja.

2. Kur ortaku përfaqësohet nga një përfaqësues i autorizuar, i autorizuari vlerësohet të jetë në të njëjtin konflikt interes, ashtu si dhe ortaku, të cilin përfaqëson.

## Neni 26

### PROCESVERBALET E MBLEDHJES SË ASAMBLESË

1. Të gjitha vendimet e asamblesë së përgjithshme duhet të regjistrohen në procesverbal.

Administratorët përgjigjen për ruajtjen e kopjeve të procesverbaleve të mbledhjeve të asamblesë së përgjithshme.

2. Procesverbalit duhet të përbajë datën e vendin e mbledhjes, rendin e ditës, emrin e kryetarit e të mbajtësit të procesverbalit, rezultatet e votimit.

3. Procesverbalit i bashkëlidhet edhe lista e pjesëmarrësve, si edhe akti i thirrjes së asamblesë së përgjithshme.

4. Procesverbalit i mbledhjes nënshkruhet nga kryetari dhe nga mbajtësi i procesverbalit.

5. Nëse shoqëria ka publikuar një faqe në internet, administratorët, jo më vonë se 15 ditë nga data e mbledhjes, janë të detyruar të publikojnë kopje të procesverbalit të mbledhjes së asamblesë së përgjithshme në këtë faqe.

## Neni 27

### HETIME TË POSACME

1. Asambleja e përgjithshme mund të vendosë nisjen e një hetimi të posaçëm për parregullsitë përgjatë veprimeve të themelimit të shoqërisë apo të ushtrimit të veprimtarisë tregtare. Hetimi kryhet nga një ekspert i pavarur i fushës.

2. Ortakët që përfaqësojnë të paktën 5 për qind të totalit të votave në asamblenë e shoqërisë, apo një vlerë më të vogël të parashikuar në statut dhe/ose cilido kreditor i shoqërisë mund t'i kërkojnë asamblesë së përgjithshme emërimin e një eksperti të pavarur të fushës, kur ka dyshime të bazuara për shkelje të ligjit ose të statutit. Ortakët apo kreditorët e shoqërisë së përcaktuar më sipër, brenda 30 ditëve pas refuzimit nga asambleja për emërimin e ekspertit të pavarur, mund t'i kërkojnë gjykatës emërimin e këtij eksperti. Nëse asambleja e përgjithshme nuk merr një vendim brenda 60 ditëve nga data e paraqitjes së kërkesës, kërkesa e ortakëve vlerësohet e refuzuar.

3. Kur asambleja e përgjithshme ka emëruar një ekspert të fushës për kryerjen e hetimit të posaçëm dhe kur për këtë emërim ka dyshime të bazuara për të besuar se eksperti mund të mos realizojë hetimin e posaçëm në mënyrën e duhur, ortakët ose kreditorët e përmendur në pikën 2 të këtij nenit mund t'i kërkojnë gjykatës zëvendësimin e tij.



- Kur gjykata pranon kërkuesat e përmendura në pikat 2 e 3 të këtij neni, shoqëria tregtare përballon kostot e emërimit dhe të shpërblimit të ekspertit të emëruar për kryerjen e hetimit të posaçëm.
- E drejta për të kërkuar hetim të posaçëm, sipas pikave 1 e 2 të këtij neni, duhet të ushtrohet brenda 3 vjetëve nga data e regjistrimit të shoqërisë tregtare, kur hetimi ka si objekt parregullsitë e procesit të themelimit, si dhe brenda 3 vjetëve nga data e veprimit, që konsiderohet i parregullt, kur hetimi ka si objekt parregullsitë e ushtrimit të veprimtarisë tregtare.
- Kreditori, që në keqbesim paraqet një kërkuesë, sipas pikës 2 të këtij neni, përgjigjet në përputhje me nenin 34 të Kodit të Procedurës Civile.

#### Neni 28

#### **SHFUQIZIMI I VENDIMEVE TË PARREGULLTA DHE DËMSHPËRBLIMI**

1. Asambleja e përgjithshme, në bazë të një vendimi të marrë me shumicën e përcaktuar sipas pikës 2, neni 87, të këtij ligji, ka të drejtë të ngrejë padi përpara gjykatës kompetente për shfuqizimin e vendimeve të administratorëve, si pasojë e shkeljes së rëndë të ligjit ose të statutit dhe/ose padi të tjera që parashikon ky ligj ose statuti ndaj administratorëve apo ortakëve.

2. Ortakët, të cilët përfaqësojnë të paktën 5 për qind të totalit të votave në asamblenë e shoqërisë ose një vlerë më të vogël, të parashikuar në statut, dhe/ose kreditorët e shoqërisë, të cilët pretendojnë se shoqëria ka ndaj tyre detyrime në një vlerë jo më të vogël se 5 për qind të kapitalit, mund t'i kërkojnë asamblesë së përgjithshme ngritjen e padisë për shfuqizimin e vendimeve të administratorëve.

Ortakët apo kreditorët e shoqërisë së përcaktuar më sipër, brenda 30 ditëve pas refuzimit nga asambleja për ngritjen e padisë, kanë të drejtë të ngrenë drejtëpërdrejt, përpara gjykatës kompetente, padi në emër të shoqërisë, për shfuqizimin e vendimit të administratorëve. Nëse asambleja e përgjithshme nuk merr një vendim, brenda 60 ditëve nga data e kërkuesës, kërkesa e ortakëve apo kreditorëve të përcaktuar më sipër vlerësohet e refuzuar.”.

3. Në rastet kur shoqëria ngre padi si më sipër, ajo merr pjesë në gjykim me anë të një përfaqësuesi të posaçëm, të caktuar nga asambleja e përgjithshme.

4. Ortakët ose kreditorët e përmendur në pikën 2 të këtij neni mund t'i kërkojnë gjykatës zëvendësimin e përfaqësuesit të posaçëm, kur ka dyshime të bazuara se përfaqësuesi i emëruar nga asambleja e përgjithshme mund të mos ngrejë e ndjekë padinë në interesin më të mirë të shoqërisë. Nëse gjykata e pranon këtë kërkuesë, kostot e emërimit dhe të shpërblimit të përfaqësuesit përballohen nga shoqëria.

5. Gjykata vendos shpalljen e pavlefshmërisë së vendimit të administratorëve, nëse këta nuk merren vesh, me pajtim, me përfaqësuesin e posaçëm për korrigimin e pasojave të vendimit, brenda 30 ditëve nga data e emërimit të këtij përfaqësuesi. Të drejtat e palëve të treta mbeten të pacenuara, në përputhje me pikën 3 të nenit 12 të të ligjit nr 9901 date 14.04.2008 “ Per tregtaret dhe shoqerite tregtare” .

6. Ortakët në pakicë dhe kreditorët e përcaktuar më sipër kanë të drejtat e parashikuara në pikat 2 e 4 të këtij neni, edhe në rastin kur asambleja e përgjithshme nuk merr vendim, ose refuzon të vendosë për kërkuesën e tyre për ngritjen ndaj administratorëve të padisë, me objekt shpërblimin e dëmit të pësuar nga shoqëria, si vendim i paligjshëm, apo për ngritjen e padive të tjera që parashikon ky ligj ose statuti ndaj administratorëve apo ortakëve.

7. Dispozita e paragrafit të gjashtë të nenit 91 të të ligjit nr 9901 date 14.04.2008 “ Per tregtaret dhe shoqerite tregtare” zbatohet edhe për këto padi.

#### Neni 29

#### **TË DREJTAT E LIDHURA ME KUOTËN**

Ortaku, që pengohet të ushtrojë të drejtat që i rrjedhin nga zotërimi i kuotës së shoqërisë, ka të drejtë t'i kërkojë gjykatës të urdhërojë ndalimin e cenimit apo shpërblimin e dëmit të shkaktuar, si pasojë e cenimit të këtyre të drejtave. Kjo e drejtë parashkruhet brenda 3 vjetëve nga çasti i cenimit.

#### Neni 30

#### **ADMINISTRATORI**

**Emërimi, shkarkimi, të drejtat dhe detyrimet**

Administrator i shoqerise “ROZAF A” SH.P.K SHKODER emerohet **Zj Majlinda Harapi** dhe afati i emerimit eshte per një periudhe 5 vjecare.

- “Emërimi i administratorëve, i cili hyn në fuqi në datën e përcaktuar sipas aktit të emërimit, u kundrejtohet palëve të treta sipas përcaktimeve të nenit 12 të këtij ligji.”
- Administratorët e një shoqërie tregtare mëmë, sipas përcaktimit të nenit 207 të ligjit nr 9901 date 14.04.2008 “ Per tregtaret dhe shoqerite tregtare” , nuk mund të emërohen si administratorë të një shoqërie të kontrolluar e anasjelltas. Çdo emërim i bërë në kundërshtim me këto dispozita është i pavlefshëm.
- Administratorët kanë të drejtë e detyrohen të:
  - kryejnë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
  - përfaqësojnë shoqérinë tregtare;
  - kujdesen përmajtjen e saktë e të rregullt të dokumenteve dhe të librave kontabël të shoqërisë;
  - përgatisin dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet përmes shpërndarjen e fitimeve, i paraqesin këto dokumente përparrë asamblesë së përgjithshme përmiratim;
  - krijojnë një sistem paralajmërimi në kohën e duhur përrethanat, që kërcënojnë mbarëvajtjen e veprimtarisë dhe ekzistencën e shoqërisë;
  - kryejnë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;
  - raportojnë përparrë asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë përmes veprimtarinë e shoqërisë tregtare;
  - kryejnë detyra të tjera të përcaktuara në ligj dhe në statut
  - marrjen e kredive, garancive dhe hapjen e kredive ne pergithesi prane cdo instituti ose ndermarrje kredie, me ose pa garanci, te cfaredo vlere ;
  - shitblerjen, kontributet dhe dhenien me qira te ndermarrjeve ose degeve te ndermarrjeve;
  - themelimi i shoqerive te cdo lloji, konsorciumeve dhe enteve kolektive te cdo lloji;
  - shitjen dhe blerjen e pjesemarrjeve dhe interesave te cdo lloji;
  - blerjen, shitjen dhe dhenien me qira te pasurive te paluajtshme te regjistruara;
- Në rastet e parashikuara nga pikat 3 e 5 të nenit 82 të ligjit nr 9901 date 14.04.2008 “ Per tregtaret dhe shoqerite tregtare”, administratorët janë të detyruar të thërrasin asamblenë e përgjithshme.
- Nëse asambleja e përgjithshme emëron më shumë se një administrator, ata e administrojnë bashkërisht shoqérinë. Statuti ose rregulloret e tjera, të miratuara nga asambleja e përgjithshme, mund të parashikojnë ndryshe.
- Asambleja e përgjithshme mund të shkarkojë administratorin në çdo kohë me shumicë të zakonshme. Statuti apo marrëveshje të tjera nuk mund të përjashtojnë apo kufizojnë këtë të drejtë. Paditë, që lidhen me shpërblimin e administratorit, në bazë të marrëdhënieve kontraktore me shoqérinë, rregullohen sipas dispozitave ligjore në fuqi.
- Administratori mund të heqë dorë në çdo kohë nga detyra e tij, nëpërmjet një njoftimi me shkrim drejtuar asamblesë së përgjithshme. Administratori, që jep dorëheqjen, duke pasur parasysh trethanat e veprimtarisë së shoqërisë, është gjithashtu i detyruar të thërrasë asamblenë e përgjithshme përmiratim i administratorit të ri, përparrë datës në të cilën dorëheqja të hyjë në fuqi.
- Nëse asambleja e përgjithshme nuk vendos emërimin e administratorit të ri në datën e përcaktuar në thirjen e kryer nga administratori i dorëhequr, atëherë administratori i njofton me shkrim dorëheqjen Qendrës Kombëtare të Regjistrimit, së bashku me kopjen e thirrjes së mbledhjes së asamblesë së përgjithshme dhe Qendra Kombëtare e Regjistrimit regjistron largimin e administratorit, sipas procedurave të ligjit nr. 9723, datë 3.5.2007, “Për Qendrën Kombëtare të Regjistrimit”, të ndryshuar.
- Dorëheqja e administratorit nuk cenon paditë e shoqërisë përmiratim i detyrimit të besnikërisë që administratori ka ndaj saj, sipas këtij ligji.”.

**Neni 31**

### **PËRFAQËSIMI**

- Kufizimet e tagrave të përfaqësimit të administratorëve i kundrejtohen palëve të treta, nëpërputhje me dispozitat e nenit 12 të ligjit nr 9901 date 14.04.2008 “ Per tregtaret dhe shoqerite tregtare”.



- Administratorët, që përfaqësojnë bashkërisht shoqërinë tregtare, mund të autorizojnë disa prej tyre për kryerjen e disa veprimeve të caktuara apo për kryerjen e disa kategorive të caktuara veprimesh. Njoftimet e drejtuara secilit prej administratorëve janë të vlefshme e detyruese për shoqërinë.
- Tagrat e përfaqësimit të administratorëve dhe çdo ndryshim i tyre njoftohen për regjistrim pranë Qendrës Kombëtare të Regjistrimit.

## NENI 32

### **SHPËRBLIMI ADMINISTRATORIT**

- Shpërbimit bazë të administratorëve mund t'i bëhen shtesa, që mund të janë përqindje në fitim ose të ngjashme. Shpërbimet e administratorëve përcaktohen me vendim të zakonshëm të asamblesë së përgjithshme.
- Shpërbimi, sipas pikës 1 të këtij neni, duhet të jetë i përshtatshëm dhe në përputhje me detyrat e administratorëve dhe gjendjen financiare të shoqërisë.
- Nëse shoqëria është në vështirësi financiare, asambleja e përgjithshme mund të vendosë reduktimin e shpërbimit të administratorëve në masën e përshtatshme.
- Kriteret e shpërbimit, shpërbimi individual dhe efekti vjetor i shpërbimit të administratorëve në strukturën e kostove të shoqërisë tregtare publikohen së bashku me pasqyrat financiare vjetore.

## Neni 33

### **DETIRIMI I BESNIKËRISE DHE PËRGJEGJËSIA**

- Përveç sa është parashikuar në dispozitat e përgjithshme të detyrimit të besnikërisë, sipas neneve 14, 15, 17 e 18 të ligjit nr 9901 date 14.04.2008 “ Per tregtaret dhe shoqerite tregtare”. administratorët detyrohen:
  - të kryejnë detyrat e tyre të përcaktuara në ligj ose në statut në mirëbesim e në interesin më të mirë të shoqërisë në tërësi, duke i kushtuar vëmendje të veçantë ndikimit të veprimtarisë së shoqërisë në mjedis;
  - të ushtrojnë kompetencat që u njihen në ligj ose në statut vetëm përritjen e qëllimeve të përcaktuara në këto dispozita;
  - të vlerësojnë me përgjegjësi çështjet, për të cilat merret vendim;
  - të parandalojnë dhe mënjanojnë rastet e konfliktit, prezent apo të mundshëm, të interesave personalë me ata të shoqërisë;
  - të garantojnë miratimin e marrëveshjeve sipas dispozitave të pikës 3 të nenit 13 të të ligjit nr 9901 date 14.04.2008 “ Per tregtaret dhe shoqerite tregtare”.
  - të ushtrojnë detyrat e tyre me profesionalizmin dhe kujdesin e nevojshëm.
- Administratorët, gjatë kryerjes së detyrave të tyre, përgjigjen ndaj shoqërisë për çdo veprim ose mosveprim, që lidhet në mënyrë të arsyeshme me qëllimet e shoqërisë tregtare, me përjashtim të rasteve kur, në bazë të hetimit dhe vlerësimit të informacioneve përkatëse, veprimi ose mosveprimi është kryer në mirëbesim.
- Nëse administratorët veprojnë në kundërshtim me detyrat dhe shkelin standarde profesionale, sipas pikave 1 e 2 të këtij neni, janë të detyruar t'i dëmshpërbilejnë shoqërisë dëmet, që rrjedhin nga kryerja e shkeljes, si dhe t'i kalojnë çdo fitim personal që ata apo personat e lidhur me ta kanë realizuar nga këto veprime të parregullta. Administratorët kanë barrën e provës për të vërtetuar kryerjen e detyrave të tyre në mënyrë të rregullt e sipas standardeve të kërkua. Kur shkelja është kryer nga më shumë se një administrator, ata përgjigjen ndaj shoqërisë në mënyrë solidare.
- Në mënyrë të veçantë, por pa u kufizuar në to, administratorët janë të detyruar t'i dëmshpërbilejnë shoqërisë dëmet e shkaktuara, nëse, në kundërshtim me dispozitat e këtij ligji, kryejnë veprimet e mëposhtme:
  - u kthejnë ortakëve kontributet;
  - u paguajnë ortakëve interesa apo dividendë;
  - u shpërndajnë aktivet shoqërisë;
  - lejojnë që shoqëria të vazhdojë veprimtarinë tregtare, kur, në bazë të gjendjes financiare, duhet të parashikojë që shoqëria nuk do të kishte aftësi paguese për të shlyer detyrimet;
  - japin kredi.

5. Dispozitat e pikës 6 të nenit 92 të këtij të ligjit nr 9901 date 14.04.2008 “ Per tregtaret dhe shoqerite tregtare”. zbatohen edhe për paditë, që rrjedhin nga paragrafët e këtij neni. Këto padi duhet të ngrihen brenda 3 vjetëve nga kryerja e shkeljes apo nga zbulimi i saj.

#### NENI 34

#### **PRISHJA E SHOQËRISË, LARGIMI DHE PËRJASHTIMI I ORTAKËVE**

Shoqëria me përgjegjësi të kufizuar prishet:

- a) kur mbaron kohëzgjatja, për të cilën është themeluar;
- b) me përfundimin e procedurave të falimentimit apo në rast të pamjaftueshmërisë së pasurive për të mbuluar shpenzimet e procedurës së falimentimit;
- c) në rast se objekti bëhet i parealizueshëm për shkak të mosfunkcionimit të vazhduar të organeve të shoqërisë apo për shkaqe të tjera që e bëjnë absolutisht të pamundur vazhdimin e veprimtarisë tregtare;
- ç) në rastet e pavlefshmërisë së themelimit të shoqërisë, të parashikuara nga neni 3/1 i këtij lig;
- d) në raste të tjera, të parashikuara në statut;
- dh) në raste të tjera, të parashikuara me lig;
- e) për çdo shkak tjeter të vendosur nga asambleja e ortakëve.

2. Prishja e shoqërisë, si pasojë e një apo më shumë prej shkaqeve të përcaktuara në shkronjat “a”, “c”, “d”, “dh” dhe “e”, të pikës 1, të këtij neni, vendoset nga asambleja e ortakëve me shumicën e parashikuar sipas pikës 1, të nenit 87, të këtij ligji.

3. Në rast mosveprimi të asamblesë së ortakëve për të vendosur prishjen, për shkaqet e përcaktuara në shkronjat “a”, “c”, “d”, dhe “dh”, të pikës 1, të këtij neni, çdo person i interesuar mund, në çdo kohë, t'i drejtohet gjykatës për të konstatuar prishjen e shoqërisë.

4. Pavarësisht nga parashikimet e sipërpërmendura, ekzistanca e një a më shumë shkaqeve, të parashikuara nga shkronjat “a”, “c”, “d”, “dh” dhe “e”, të pikës 1, të këtij neni, nuk do të ketë si pasojë prishjen e shoqërisë dhe hapjen e procedurave të likuidimit, nëse përpara vendimit gjyqësor të formës së prerë, të përmendor në pikën 3, të këtij neni, shkaku i prishjes është korrigjuar, nëse është e mundshme të korrigojet, dhe ky korrigim është publikuar nga shoqëria në regjistrin tregtar, sipas parashikimeve të ligjit nr. 9723, datë 3.5.2007, “Për Qendrën Kombëtare të Regjistrimit”, të ndryshuar.

5. Prishja e shoqërisë, si pasojë e shkaqeve të parashikuara në shkronjën “b”, të pikës 1, të këtij neni, vendoset nga gjykata kompetente për procedurat e falimentimit, kur, në përfundim të këtyre procedurave, të gjitha pasuritë e shoqërisë janë likuiduar për shlyerjen në mënyrë kolektive të detyrimeve ndaj kreditorëve apo kur gjykata kompetente për procedurat e falimentimit vendos rrëzimin e kërkësës për hapjen e procedurës së falimentimit për shkak të pamjaftueshmërisë së pasurisë së shoqërisë për të mbuluar shpenzimet e procedurës së falimentimit.

6. Prishja e shoqërisë si pasojë e shkaqeve të parashikuara në shkronjën “ç”, të pikës 1, të këtij neni, vendoset nga gjykata kompetente, sipas parashikimeve të nenit 3/1 të këtij ligji.”.

#### Neni 35

#### **REGJISTRIMI I SHPËRBËRJES**

Administratorët regjistrojnë prishjen e shoqërisë pranë Qendrës Kombëtare të Regjistrimit, në përputhje me nenin 43 të ligjit nr. 9723, datë 3.5.2007 “Për Qendrën Kombëtare të Regjistrimit”.

Nëse prishja e shoqërisë bëhet me vendim gjykate, gjykata, në përputhje me nenin 45 të ligjit nr. 9723, datë 3.5.2007 “Për Qendrën Kombëtare të Regjistrimit” ia njofton vendimin Qendrës Kombëtare të Regjistrimeve për regjistrim.

#### Neni 36

#### **LARGIMI I ORTAKUT PËR SHKAQE TË ARSYESHME**

1. Ortaku mund të largohet nga shoqëria nëse ortakët e tjërë ose shoqëria kanë kryer veprime në dëm të tij, nëse është penguar të ushtrojë të drejtat e tij, nëse shoqëria i ka ngarkuar detyrime të paarsyeshme apo për shkaqe të tjera, që e bëjnë të pamundur vazhdimin e ortakërisë.

2. Ortaku që kërkon largimin, duhet të njoftojë shoqërinë me shkrim, si dhe të parashtrojë shkaqet e largimit.

3. Administratorët duhet të thërrasin mbledhjen e asamblesë së përgjithshme menjëherë pasi të kenë marrë dijeni për njoftimin e largimit, sipas pikës 2 të këtij neni, për të vendosur nëse ortakut do t'i likuidohet kuota, si pasojë e largimit për shkaqe të arsyeshme.
4. Ortaku ka të drejtë të ngrejë padi në gjykatë ndaj shoqërisë për likuidimin e kuotës, si pasojë e largimit për shkaqe të arsyeshme, nëse pas njoftimit të largimit asambleja e përgjithshme nuk mblidhet apo nuk i njeh si të arsyeshme shkaqet e largimit dhe likuidimin e kuotës.
5. Ortaku që kërkon largimin nga shoqëria, detyrohet ta dëmshpërbilejë shoqerinë për dëmet e shkaktuara, nëse rezulton se largimi është kryer në bazë të shkaqeve të paarsyeshme.
6. Ortaku që largohet ka të drejtë të ngrejë padi ndaj shoqërisë dhe/ose ortakëve të tjera që shkaktuan largimin e tij dhe të kérkojë ndaj tyre, në mënyrë solidare, shpërbimin e dëmit të pësuar.

### Neni 37

#### PËRJASHTIMI I ORTAKUT

1. Në bazë të një vendimi të zakonshëm, asambleja e përgjithshme mund t'i kérkojë gjykatës përjashtimin e ortakut, nëse ai nuk ka shlyer kontributin e tij, sipas parashikimeve të statutit ose nëse ekzistojnë shkaqe të tjera të arsyeshme për këtë përjashtim.
2. Konsiderohen shkaqe të arsyeshme për përjashtimin e ortakut, sipas pikës 1 të këtij neni, por pa u kufizuar në to, rastet kur ortaku:
  - a) me dashje apo me pakujdesi të rëndë i shkakton dëme shoqërisë ose ortakëve të tjera;
  - b) me dashje apo me pakujdesi të rëndë shkel statutin ose detyrimet e përcaktuara me ligj;
  - c) përfshihet në veprime, të cilat e bëjnë të pamundur vazhdimin e marrëdhënieve midis shoqërisë tregtare dhe ortakut; ose
  - ç) me veprimet e tij dëmton ose pengon ndjeshëm veprimtarinë tregtare të shoqërisë.
3. Gjatë procedurës së përjashtimit të ortakut, me kërkesë të paditësit, gjykata mund të marrë një masë për sigurimin e padisë, duke pezulluar të drejtën e votës së ortakut, që kërkohet të përjashtohet, si dhe të drejtat e tjera, që rrjedhin nga zotërimi i kuotës së shoqërisë, kur ajo e vlerëson këtë masë si të nevojshme dhe të justifikuar.
4. Shoqëria ka të drejtë t'i kérkojë ortakut të përjashtuar shpërbimin e dëmit të pësuar nga veprimet, që kanë sjellë përjashtimin.
5. Ortaku ka të drejtë t'i kérkojë shoqërisë shpërbimin e dëmit të pësuar, nëse kërkesa për përjashtim nuk është e bazuar.
6. Ortaku nuk ka të drejtë t'i kérkojë shoqërisë likuidimin e kuotës, nëse ai përjashtohet për shkaqe të arsyeshme, por, nëse shoqëria ngrëndaj tij padi për shpërbimin dëmi, ortaku ka të drejtë të kompensojë çdo shumë, që do të kishte të drejtë ta përfitonë në cilësinë e likuidimit të kuotës, me dëmin e kérkuar nga shoqëria.

### Neni 38

#### PASOJAT E LARGIMIT DHE PËRJASHTIMIT

1. Të gjitha të drejtat, që rrjedhin nga cilësia e ortakut në shoqëri, shuhen në datën e largimit ose të vendimit të formës së prerë të gjykatës për largimin ose përjashtimin.
2. Statuti nuk mund të përjashtojë apo të kufizojë të drejtën e ortakut për t'u larguar nga shoqëria dhe të drejtën e shoqërisë për të përjashtuar ortakun.

### Neni 39

#### LIKUIDIMI NË GJENDJEN E AFTËSISË PAGUESE

Me përjashtim të rasteve kur është nisur një procedurë falimentimi, prishja e shoqërisë me përgjegjësi të kufizuar ka si pasojë hapjen e procedurave të likuidimit në gjendjen e aftësisë paguese, sipas neneve 190 deri në 205 të ligjit nr 9901 date 14.04.2008 “Për tregtarët dhe shoqëritë tregtare”.

### Neni 40

#### MOSMARRËVESHJET

Për çdo mosmarrëveshje ndërmjet ortakëve, e lindur në kuadrin ose për shkak të kësaj kontrate, do të bëhen të gjitha përpjekjet të zgjidhen me mirëkuptim, në rast të kundërt çështja paraqitet Gjykatës së Tiranës, duke u gjuuar mbi bazën e legjislacionit shqiptare.

Neni 41

#### **DISPOZITA TË PERGJITHSHME**

Për gjithçka që nuk është shprehur në statutin të kesaj shoqërie do tu referohemi ligjit nr 9901 date 14.04.2008 “Për tregtarët dhe shoqërítë tregtare” dhe dispozitave të tjera ligjore në fuqi. Ky statut u shkrua , u lexua dhe u firmos me vullnet të lirë e ndërgjegje të plotë nga ortaku i vetëm themelues i shoqërisë **“ROZAFYA A” Sh.p.k SHKODER** sot më date 13/02/2018 , në katër kopje në gjuhën shqipe.

**ORTAKU I VETËM I SHOQËRISË  
“ROZAFYA A” SH.P.K, SHKODER**  
Individu

Adriano Uldeaj  
**ADRIANO ULDEAJ**